



# ЖЯЖЖА БАРГЪ

Лакрал райондалул кказит. Ита бакълай 97-сса шин.

«ЗАРЯ»

Нюжмар  
25 июнь  
2021 ш.

№ 28

www.zaria-online.ru  
gazetazary@mail.ru

## Батлаву

### Ирглийсса сессиялий

Июньдалул 16-ний райадминистрациялул совещанияртту дай къатлуву хьунни «Лакрал район» МР-данул депутатътурал Собраниялул ирглийсса батлаву.

Микку ххалбигълагъисса масъаларттаву бия укунссагу:

1.2021, 2022, 2023 шин-нардил мутгалий, райоон экономикалул ва социальныйну хьхьич1уннай данса прогнозрая ва 2020 шинаву хьусса ккаккиарттаву бусласисса, «Лакрал район» МР-данул бак1чи Юсуп Мах1аммадовлул отчетрах вич1идишаву.

Муния ихтилат бунни Юсуп Мах1аммадовлул.

2.2020 шинал «Лакрал район» МР-данул цац1унбув бюджет биттур шаврил отчет ц1акъ даврия.

Му масъала аьч буллалисса ихтилат бунни райадминистрациялул финансиртал отделданул хьунмур Аьйша Амирхановал.

3.2021 шинал «Лакрал

район» МР-данул бюджетраву дахханашивуртту даврия.

Ва масъалаягу ихтилат



бунни Аьйша Амирхановал. Бувсунни цукунсса дахханашивуртту дуллалиссарив бюджетраву.

4.2020 шинаву «Лакрал район» МР-данул депутатътурал собраниялул дурсса



давурттаясса отчет дулаву, мунил председатель Шяпи Щурпаевлул.

5. «Лакрал район» МР-данул аьрщарай градостроительстволул масъаларттаву ч1явучих вич1и дишаврил, жяматраву дурсса ххалбигъавурттал х1акъиравусса, ми сакин баврил Низам ц1акъ даврия.

Ва масъала депутатътурал хьхьич1ун лавсун, бувч1ин бунни райадминистрациялул делордалсса байсса управляющий Х1ажи Чавтараевлул.

6.2021 шинал муниципал хьус даххаврил (приватизация) прогнозрал план ц1акъ даврия.

Ихтилат бувмур райадминистрациялул экономикалул ва шяраваллил хозяйстволул хьунмур специалист Асият Аьвдурах1ановал.

7. «Лакрал район» МР-данул жяматийсса палаталул к1илчинмур бут1а (депутатътурал хьинчулий ккаккаймур) ц1акъ баврия.

Ваниягу бувч1ин бунни Х1ажи Чавтараевлул, миннал сиях1гу к1иц1 ларгун.

## «Лакрал район» МР-данул депутатътурал Собраниелул амру

16 июнь 2021ш. №12.6

### «Лакрал район» МР-данул Жяматийсса палаталул сиях1рал к1илчинмур бут1а ц1акъ баврия

«Лакрал район» МР-данул бак1чинал 2016 шинал июньдалул 9-ний бувсса «Об утверждении Положения об Общественной палате муниципального района «Лакский район» т1исса х1укмулин бувну ва «Лакрал район» муниципал райондалул жяматийсса палаталул ц1усса сиях1 сакин даву мурадрай, «Лакрал район» МР-данул депутатътурал Собраниелул х1укму бунни:

1). «Лакрал район» муниципал райондалул Жяматийсса палаталул к1илчинмур бут1лул сиях1 укунсса ц1акъ дан:

- 1.Хьунбуттаев Мах1аммад Хьунбуттал арс.
  - 2.Тумалаева Асли Мах1аммадул душ.
  - 3.Майранов Рамазан Якъублул арс.
  - 4.Дандамаев Х1амид Манаплул арс.
  - 5.Гъазалиев Гъазали Х1ажимах1аммадул арс.
  - 6.Сулайманова Анжела Зиябуттиннул душ.
  - 7.Исупова Мунгират Мах1аммадул душ.
  - 8.Абачараев Шамил Сагидлул арс.
  - 9.Мах1аммадов Мах1аммад Мирзаханнул арс.
  - 10.Оьмарова Анжела Матильбагулул душ.
  - 11.Сайпалаев Шамсуттин Мах1аммадул арс.
- 2). Ва амрулул копия гъан бан «Лакрал район» МР-данул бак1чи Ю.Х1.Мах1аммадовлулчан ва Лакрал муниципал райондалул Жяматийсса палаталийн.
- Ш.Х1-А.Щурпаев, «Лакрал район» МР-данул депутатътурал Собраниелул председатель.

**Ю.Х1.Мах1аммадов, «Лакрал район» МР-данул Бак1чи.**

мурадрай, «Единая Россия» партиялул кумаграйну ц1у дурссар Гьунч1укъат1рал культуралул къатри, 10-ния ливчусса млн.-нну федерал арцул харж бувну. Мукунма хьхьич1исса шинал строительстварду дурссар Гьумучиял культуралул къатлуц1а. Ялунч1ил Ккурккуллал шяравусса культуралул къатри ц1удуллант1иссар.

«Комфортная городская среда» прораммалийхч1ингу Шамиллул, Аминтаевлул ц1анийсса кучардай ва цайми клантурдай тратуарду бувсар (1млн. 900 азара къ.).

Амма, х1исавравун лавсун - «Комфортная городская среда» прораммалин бувсса давуртту дан ккаккан бувну бур 1000 ххисса халкъ ялапар хъанахъисса шяраваллаву. Жула райондалий К1ундив ва Гьунч1укъат1лув ялапар хъанахъими бур 1000 биявайсса. Вай шяраваллал бак1читураца хъанай бакъар чан-къансса халкъ пропискарду дурну, ххишала бан.

«Мой Дагестан мои дороги» прораммалин бувну республикалул бюджетрава райондалун итадаркъуна 1млн ва 919 азара къуруш. Вай жура райондалий дарт1сса транспортрал налогирттал арцури махъуннай дирчусса.

2020 шинал дурк1уна Змлндалин дирсса арцу, цанчирча жуцава бювхъуна налогру ххишаласса дат1ин.

Вай арцуц1ух бувсар Къубавсса, Шавк1рату Гьук1равсса ххуллурду, бант1иссар Бах1ик1лавсса ххуллу.

Ц1анасса ч1умал бувну къуртал хъанахъиссар, республикалул бюджетрац1ух буллалисса, Гьумучату К1уравсса ххуллу. Миккун харж хъанахъиссар 14млн ва 500 азара къуруш.

Ца ц1адансса давуно хьунни Гьумучату Ххюлусмавсса ххуллу баву. Амма, вай гъантрай лавгра к1а ххуллийх к1ихунай, ххуллух ургайсса, ябуллалисса цуч1ав акъар. Ххуллурдал участокрай каялушиву дама х1арачат бусса, даймур ххуйну дайсса, энергия бусса ур. Амма му чув уссарив иш баггий лякъин зах1матну бик1ай. Шахъуйннал шяравалу т1айласса шагъра ххуллийсса ва Гьунч1укъат1рал ламуйсса ххуллул к1ива парча асфальт бут1ин къахъанай, лахъину ливч1ун буссия. Вай гъантрай миккунсса арцу итадакъинсса каши хьунни.

ДЕП-24лул буллай буссия Лахъирия Къурлавсса ххуллу, ххуйну бунни.

(Ахир 2 лаж.)

## Отчет

### Район маэшатрал ва социальныйну хьхьич1уннай шаврия



Яла к1иц1 бунни район 2020 шиналгу экономикалул ва социальныйну хьхьич1уннай шавриву зунттал районнай 2-мур клану бувгьуну, 1млн. ва 350 азара къуруш г р а н т р а л дуллушиву. Миннуга 30% премиярттан булуну,

лирч1ми ишла дуллаллишиву райцентр ххуй-ч1юлу бан. Бувсунни цува райондалий-каялушиву дуллалиссаксса х1аллай анжагъ 2 шин хьушиву хьхьич1унсса клану къабувгьусса.

-Цалчинмур клану 2020 шинал бугъан къабювхъунни инвестортурал райондалий дуллалимур аьркинсаксса къашаврин бувну. Му буллуни Шамильский рай-

ондалун. Хьхьич1ми шиннардий кунма, 2020 шинаву-гу диялсса давуртту хьуссар школартту ц1убуккан бавриву. На зун увк1исса ч1умал школарттал 90 процент нигач1ийсса даражалий бия. Ц1ана ца Чарттал ва Ххюлуссуннал школа лич1аннин, махъми циняв ц1убуккан бувсар, гьарца шинал х1ала бувхсару «100 школ» прораммалувух.

Ва ишираву цала школартан арцул кумаг бувминнахъ хьунмасса барчаллагъ т1ий ура.

2020 шинаву 6 школа хьул-ч1авахъулттайну гъели бансса, гъели бай системарду дишинсса ва цайми давуртту дурссар, ца Щардал школа бувну къуртал къавхъунни.

Ч1алансса давуртту хьуссар школарттай спортрал майдану бавриву, спортрал къай-къуй дишавриву. Анжагъ ца Карашрал школа бур спортрал майдан балгин къабувсса. Культуралул кумаг баву

«Лакрал район» МР-данул бак1чи Юсуп Мах1аммадовлул депутатътурал сессиялий дуллалисса отчет дайдирухуна ц1уну билатрайгу, Дагъусттанайгу ягин хъанахъисса коронавирусрал инфекция пив шаврия мугъаят хьун аьркиншиврия, маскарду лаххаву, цайми буручаврил чаранну гужлан дан багълагъишиврия буслий.



## Район маэшатрал ва социальныйну хьхьич1уннай шаврия

(Дайдихьу 1 лаж.)

Ххюлусмату Буршайнса ххуллул проект дуллай буссар. Ва хьинну агьамсса ххуллури т1иссара на. Цанчирча, ч1явусса ххуллулсса, ризкьичитал, туристал занай бур к1ихун.

Бувккунни наши дусса инсантал гьашину Буршиал чулух 5-6 туристурансса т1аннул кьатри бишинну т1исса. Хьиривми шиннардиюгу ми ч1яву буллан т1ий бур.

Ц1анасса ч1умал жува ляхълан багълай бур район, шярвалу ядансса арцурду.

Медицина хьхьич1уннай, дуллайгу райондалий дилсса давуртту хьуссар Ца хьинну зах1матну бивк1сса масъала -2003 шина байбихьуну буллалисса Гьумксса больица 2021 шинал строительстволул пландалу вун бутан бюхъаву, финансироваие т1ит1аву.

2020 шинал райондалий агьалинал буну бур ц1усса 39 кьатта. Бувккунни Ниц1авк1уллал тарих хьунмасса шярвалу ц1удуккан дану т1исса инсанталу. Ларгсса шинал, мукунма, райондалий бувссар 2 ФАП.

Цинявнанау бухьунсар райондалин газ буцавилл масъала шуруй. Ва масъала мик1лавч1ун бивк1сса кланая сукку хьуссар. 2020 шинала экспертизагу дурну Московлий гьан дурну дуссия заключение. Амма цакуну металл ххира хьунни 80-90 процентрал Газрал турбарду - мукунма. Аьрасатнаву бусса 3 турварду байсса заводирттал багъри гьаз буну, сметалий ккаккан дурсса арцул ялун ххидан багълан бивк1унни 198млн 450 азара кьуруш. Ц1унил смета дурссар, ц1унил заключение дурссар.

Гьарцаза, арцу шаллу хьуссар, гьашину газ буцавриха зун аьркинссар.

Гьумук буллалиссар 120 оьрч1ансса оьрч1ал багъ (садик). Му даврил заключение экспертизалий дуссия, мушакъатминан цанна хасъсса лифтту садикраву дик1ан аьркинссар т1ий, смета дахана дуллай ч1ал хьунни.

Ххари хьунсса дауну

хьуни Гьумук буллалисса школа, гьарца аьркинмунил дузал буну, буну кьуртал баву. Сентябрьданул 1-ний дуклаки оьрч1ру мивун занантиссар.

Агьамсса масъала бур райондалул агьлу шинал шаллу баву. Ххюлусмату нанисса щин, бак1рай хьунмасса х1авзгу буну, капиталныйну дакьин дуллалиссар. Ц1ананин щин ц1унил дурцуссар Ххюлуссунал шярва ливчусса кланттайн биянин. Шихунмай ми щин дуцинт1иссар Ч1урттациял, Читтурдал, К1улушац1рал, Гьук1урдал, Т1улизунал, Шавк1уллал шярваллавун. Му бакъасса Ттурч1айнна зунттуя Бах1ик1лав, Гьунч1укъат1ув, мичча Гьухъалив щин дуцавилл проект шурущиссар. Пикри буссар Гьумучиял чулухсса, Дуч1иннал чулухуннайсса аьрщарайн щингу дурцуну, участокру аукциондалий даххансса даражалин дуцинсса.

Гьарца аьркинмур бувсар, ца зурува вай щин дуцаврихагу зунссар т1исса умудрай ура. Му бакъассагу щин дуцациссар Лахъирия Хьунавгу - гьашину зун аьркинссар. Ялагу Хьурхъия Шарав щин дуцавиллсагу буллалиссару.

ЩИнаха зузисса маюршкьюршсса давуртту цаймигу дурссар.

Цинярдагу жула райондалий иширавун дагьну дурссар 8 проект, цайми районнай чансса дусса ч1умал. Ванил буслай бур республикалул хьуними жухра хьуннасса аякьа дуллай бушиву.

Район хьхьич1уннай хьанахъаврил лишаннугу хьанахъиссар жуч1ара ц1усса гьаттарал фермарду дуллалаву, багъру бугълагъаву, шпиринж бугълагъаву ва м.ц.

**Шярваллил хозяйство.** Ва бут1уву бур 19 СПК, 1 агроферма, 67 КФХ, 3254 ЛПХ.

2020 шинаву дянивну шярваллил хозяйстволул гьарца бут1увусса ккаккиартту 1-5 процентрал лавай хьуну бур. Зах1мат буллай яттугьаттара ябуллалими кьачанни.

Амма, шярваллил хозяйстволу ябуллалисса ятту-гьаттарал аьдад т1айлану, буссаксса ккаккан баван аьркинссар, ххишала кьабуллай, ягу бакъасса ризкьи ккаккан кьабуллай, кьабавгавай х1укуматрал кумагру кьаласлан. Ва масъалаву низам дишин тапшур буллай ура М.Макьсудовлуйн ва М.Кьадиевлуйн.

Ш/хозяйстволу дул-

Кьадиев. Мунишала цаппара СПК-рду дур лап х1урану зузиссагу.

**Ветеринариялул кьулдугъ**

2020 шинаву ризкьилуха бан аьркинсса циняв ветеринариялул кьулдугъру буну бур. Ва шинаву Ч1арав бивк1ун бур бурцеллез дусса гьаттара, карантин бивхьуну бур. Кьатлату райондалин лахъай азарду дурк1ун дакьар. Амма райондалин ва райондалул вив ризкьи куч бавриву низам дишин дур.

2020 шинал райондали цаюгу инсан ивк1ун акъар бруцеллезрал кьашавайсса.

4млн. ва 800 азара кьуруш. Ц1ана дат1айссар 61млн. 519 азара, ац1лийнуняр ххишала. Ванил т1ут1иссар жула райондалий ххихьушиву налогоу дат1инсса база, производство. Муниатура районгу утгара дуклакисса.

2020 шинал райондалий аьмну дат1айсса налогирттал биттур хьунни 105,9 процентрал. План -58млн. 88 азара, дарт1мур -61млн ва 519 азара. Муниатура райондалул гранту ларсунни.

Налогирттал планну биттур кьадурунни Ккуркукулал (цайра аьй дакьа), Шавк1уллал, Карашрал,



лалимур ч1ярусса дуссар, гранту ларсми буссар.

Ца ц1усса мисал, Кьукнив буллай буссар ц1усса т1алавшиннайн бувсса, 100 оьлинсса комплекс. Х1укуматрал му иширан итадаркьуссар 18 млндалия лирчусса арцу. Тиккува нагъ дайсса цехгу зунт1иссар.

Кьуганайсса СПК-рдал аьрщарайн щинну дачинсса архру марц1 бувссар, ц1уну бувкссагу хьуссар.

100 гектар ппиринжрал дугьансса каша хьуссар, му мюнпат лавайсса ххяххия дур. Цимивагу СПК-лул кьуганнайсса аьрщарайн щин диллан дирк1ссар.

180 гектар дук1у ссуттил лач1ал дугъаву - мугу диялсса давури.

Вай иширттаву цала бияла ч1алач1и буллай бур УСХ-лул начальик Макьсуд

Райондалийсса циняр аьрщарал заллухъру ч1алач1и (разграничение собственности) бавриву 97,81 процентрал биттур шаву хьуссар. Лирч1сса 962 гектарданунсса документругу аьркиннин биян бувссар.

**Налогру дат1аву**

Хьинну зах1матну бур СПКрдал дулун аьркинссар налогру дулавриву, администрациярдал аьрщарал, хьуслил (кьатрал) налогру дат1авриву, х1атта вай масъалартту мудар дак1нин бичлай бунугу. Райондалий ци хьхьич1уннайшивуртту дуларчагу ми бак1уйн кьадуккайссар налогру шаллуну кьадарт1ссаксса. Ва масъалалух ялич1инуву кьулагъас дуллан аьркинссар.

Налогирттая дак1ин бутан, на зун увк1сса шиннардиий райондалий дат1айссия

Ч1артгал, Кумиял администрациярдал.

Ва ишираву хьхьич1 бур (120 процентраля ххишалану) К1улушац1рал, Ххюлуссунал, Гьунч1укъат1рал, К1амахъаллал, Хьунайнал, Гьумучиял администрациярду.

Аьрщарал, кьатрал (хьуслил) налогру сч1етирдай дихьлахьисса ч1умал администрациярдал цала ц1аний дишаву кьат1айлану хьанай бур. Цанчирча ми арцу щил ц1аний дирхьурив му заллу хьанай унут1ий. Мунаша бюхълай бур, цала арцури т1ий, ми махьуннай т1алав дуллан. Аьрщарал, хьуслил гьарцаннул заллу ухьукун, мунал ц1аний налогругу дишаван аьркинссар. Ва ишираву низам дишин буржлув уллалиссара М.Кьадиев.

**Гихунмайгу буссар**

**“Лакрал район” МР-данул депутатътурал собраниелул х1укму**

16 июнь 2021ш. №12.3

**“Лакрал район” МР-данул депутатътурал собраниелул председатель Ш.Х1-А.Щурпаевлул 2020 шинал дурсса даврил отч1т**

“Лакрал район” МР-данул депутатътурал собраниелул председатель Щурпаев Шапи Х1ажи-Аттал арснал 2020 шинал дурсса даврил отч1трах вич1и дирхьуну ва му ххалдиргьуну, “Лакрал район” МР-данул депутатътурал собраниелул

**х1укму бунни:**

“Лакрал район” МР-данул депутатътурал собраниелул пред-

седательнал дурсса даву, 2020 шинал х1асиллайн буну, аьй-бювкьу кьадансса дауну ккалли дан.

**Ш.Х1-А.Щурпаев, “Лакрал район” МР-данул депутатътурал собраниелул председатель.**

**Ю.Х1.Мах1аммадов, “Лакрал район” МР-данул бак1чи**

**“Лакрал район” МР-данул депутатътурал собраниелул х1укму:**

Нанисса шинал 16-мур июньдалий хьусса, 2020 шинаву район маэшатрал ва социальныйну хьхьич1уннай давривусса ккаккиарттая ва 2022-2023 шинардиий хьхьич1уннай даврия бусласисса райондалул бак1чи Юсуп Мах1аммадовлул отч1трах вич1и дирхьуну, райондалул Собраниелул х1укму буллалиссар:

1.2020 шинаву “Лакрал район” МР-данул бак1чи Юсуп Мах1аммадовлул дурсса даву рязихьунссану

ккалли дан.

2. Рай администратиялул заместитель-туран (А.Кьюннуев, М.Макьсудов) маслихат бан 2012 шинал Аьрасатнал Президентнал майрай бувсса Указру биттур шаврий контроль буллан.

**3.Шярваллил хозяйстволул ва экономикалул отделданун (М.Кьадиев):**

1)Хьирив лавну гьануц1акул баххана буллан аьрщи шалуну ва мюнпатну ишла дуллалавилл масъалартту.

2)Муниципал залусса аьрщарал заллухъру ч1алач1и баврил (раграничение) даву дурну кьуртал дан. Ми дулун шярваллал администрациярдахьхьун, шихуннай аьрщи сиях1райн ласай органнал миннул заллушиву ч1алач1и дуллалисса регистрация даншиврул.

3)Шярваллал поселениартгал бак1читурацал цач1уну шярваллил хозяйстволул продукция дуч1ан дуллалиминнахьхьун

(Ахир 3 лаж.)



## “Лакрал район” МР-данул депутатътурал собраниялул х1укму:

аьрщи ц1акъ даврил масъала бувну къуртал бан.

4)Капитальный строительство объектну ва аьрщарал участоку актуализировать даврил даву ххуй дансса чаранну лякъин шяраваллал бак1читурацал ца1уну.

5)Налогру дуч1ан даврил даву, х1исав-ккал дачин даврил даву, сельхозпредприятияртту ччаннай бац1ан баврил даву ц1удуккан дан.

4. “Лакрал район” МР-данул х1асса дуккаврил управлениелул (Т.Мах1аммадов).

1)Райондалул дуккаврил идарартту щаллу бан химиялул ва математикалул специалистурал, ц1анасса журулул технологияртту дуккавриву ишла дулланшиврул.

2)Дуккаврил, школалин гъаннинсса ва ялун ххидурсса дуккаврил идарарттайн заназисса оьрч1ру, зузалт коронавирусрал инспекция буюрч1инсса, миннан вакцина бан аьркиншиву бувч1ин баврил давуртту гужлан дан.

5. “Центр культуры, молодежи политики, спорта, туризма и центральная библиотечная система МР “Лакский район” МКУК-лий каялушиву дуллалиманан (А.Къажлаев).

1)Культуралул идарарттал зузалтран хъьич1уннай дуллан цала давуртту, ц1у-

дуккан дуллан халкъуннал ирсирал аьдатру.

2)СПК-рдай, шяраваллай каялушиву дуллалимигу х1ала бавкъуну, шяраваллаву ч1явучицалсса спортрал давуртту дачин дансса мас-лих1атру ккаккан бан.

3)2021 шинаву дуллансса спортрал давурттал график сакин бан ва ц1акъ бан.

4)Райондалий туризм хъьич1уннай даврил х1акъ-иравусса Дорожный карта биттур даврил давуртту дачин дан.

6.Финансирттал отделданул начальникнан (Аь.Амирханова) циняр бюджетрайсса идарартту цила ч1умал финансирттал щаллу бавансса, праволул актру дуруччинсса даву дузал дуллан.

7.Малих1ат бан:

а)ЦРБ-лул хъунама х1ак-иннан халкъуннал медициналул къуллугъру баву ххуй дан, вакцина бан чарабакъа аьркиншиву агъалинан бувч1ин баву гужлан дан, аьркинссаксса вакцина дузал баврилсса бан.

б) “Управление социальной защиты населения в МР “Лакский район” идаралий каялушиву дуллалисса Р.Майрановлул, райондалул агъалинан аьркинсса социал къуллугъру цила ч1умал ва щаллуну буллан.

в) “Центр социального обслуживания населения в МР “Лакский район” идаралий каялушиву дуллалисса

Ш.Шурпаевлул райондалул агъалинан социальныйну къуллугъ баврил гъарца бутла цила ч1умал ва ххуйну биттур буллан.

г) “Центр занятости населения района” казенный идаралул каялувчи Аь.Мусалаеван цила ч1умал ва ххуйну биттур дуллан даву дакта ливч1миннацал дайсса давуртту, ми давурттал щаллу бансса чаранну лякъаван.

д)Ветеринариялул къуллугъ-рал хъунама А.Абачаревлул балжисса ххулурду бачин бан ризкилий лахъай азарду сукку хъун къадитаврил, шяраваллил хозяйстволул ризкилий ветеринариялул къуллугъру баврил давуртту.

е)Коронавирусрал инфекция ппив хъанай душиврин бувну, циняр идарарттал, организациярдал, шяраваллал поселениярттал бак1читуран цала биялдаралусса зузалтран вакцина баврилсса бан.

Е)МВД-лул “Лакский” МО-лул начальникнан (Рамазанов М.) агъалий коронавирусрал инфекциялия, терроризм, экстремизмаллия буруччаврил, жяматраву низам дуруччаврил давуртту гужлан дан.

**Ш.Шурпаев,**  
собраниялул  
председатель.

**Ю.Мах1аммадов,**  
собраниялул секретарь.

ТФОМС-рал Лавашавсса филиал

## Щин багъайссар уквасса даруртту?

Аьрасатнал Минздраврал дурссар къашайшалтран ца шинал мутгалий укв итабакълансса дарурттал сиях1. Ми итабакълант1ий бур, инвалидшиврух къабурувгун, укунсса инжитшивуртту хъусса циняр къашайшалтран (РФ-лул Здравоохранениелул Министерстволул 2020 шинал январьданул 9-нийсса амру №1н):

-инфаркт миокарда;

-инсульт;

-аортокоронарный шунтированиелул, коронарный артериярдал ингиопластикалул стентированиегу дурсса, къюк1лил-ттугунурдал инжитшивуртту дуну катерный обляциялул операциярду бувминнан.

Хъьич1 ва журулул къашайшалт уквасса дарурттал щаллу байссия анжагъ стационардану хъин буллалиссаксса ппурттуву. Утти миннан даруртту буллантайссар амбулаториялу хъин буллалинигу.

Ми дарурттаву багълай бур -Амиодарон, Амлодипин, Апискабан, Атарвастатин, Ацетилсалициловая кислота, Биспролол, Варфарин, Гидрохлоротиазид, Дабигатрана, Этексилат, Изосорбид мононитрат, Индапамид, Клопидогрел, Лапаконитина Гидробромид, Лозартан, Метопролол, Моксонидин, Периндоприл, Пропафенон, Ривароксабан, Симвастатин, Соталол, Тикагрелор, Эналаприл.

ОНМК ва ОКС инжитшивуртту хъусса ччима къашайшаллаца бюхъайссар цува ц1акъ хъусса кланайсса участокрал поликлиникалийн выписной эпикризрацал лавгун, ца шинал мутгалий укв ласлан лич1и -лич1исса группардал даруртту, федерациялул куклушиннарду ласласисса инвалидтал лич1аннин.

Суаллу х1асул хъурча, бухъхьяра, оьвчара РД-лул ТФОМС-рал Лавашавсса районнал дянивсса филиалдайин: страхование дурминнал ихтиярду дуруччайсса специалистнал телефон: +7-928-878-31-77 (мукунна WhatsApp).

Адрес: ш.Лаваша, Гамидовлул к1ич1иравалу, Эл. почталул адрес: Levash\_fil@fomsrd.ru.

Мукунма баян буллау бур, 2016 шинал июндалул 1-ния шихунмай зий бушиву контакт центр чара бакъа дайсса медициналул страхованиелул иширтталсса байсса. Мунил аьмсса ца системалувун цац1ун бувссар фондгу, Дагъусттан Республикалий зузисса циняр медициналул страхованиелул организациярдугу.

РД-лул ТФОМС-рал горячая линиялул телефон: 8-800-222-29-05. Макс-М СМО-рал телефон: 8-800-333-06-03; 8(8722)61-17-84.

### Конкурс

## Ц1адурксса балайчинал х1урматран

Гъумук культуралул центрдалий июндалул 16-ний хъунни лакрал халкъуннал балайрду учайминнал дянивсса конкурс. Му хас дурну дия ДАССР-данул лайкъ хъусса артистка Мариян Дандамаеван.

Конкурс сакин дурну дия Дагъусттан Республикалул культуралул Министерстволул, халкъуннал творчестволул Республикалул къатлул ва миннацал цац1ун хъусса райондалул администрациялул ва культуралул, жагьилтурацалсса политикалул, туризмалул, физкультуралул ва спортралсса байсса отделданул.

Мариян Дандамаевацал арх1ал бац1ансса лакрал халкъуннал ва автортурал балайрду учайсса инсан ут-



тигу бувккун бакъар. Щалагу союзрал ч1ярусса конкурсирттай ва фестиваллай мунил хъьич1унсса клант-турду бувгун бур.

Га дуняйлия лавгун мукъ-ц1аллий ххюра шин хъуну дур, амма ганил циняр х1айран буллалисса ч1у, пагъму уттигу хъамабитлай бакъар бугъарасса инсантуран. Ганил балайрдах вич1и дишин хъунмасса гъира бик1ай жагьилминнангу.

Ц1адурксса балайчинал творчество, укусса балайрду уттинин яхъуну бур. Миннух вич1и дихълан уттигу ххирар ва ми ябуллау бур. Мунил барашинна дурни

ва конкурсралгу. Гуртту хъун М.Дандамаеван хас дурсса конкурсраву бувч1ун бия шанугу лакрал райондалиясса балайчитал: Лакрал Ккуллал ва Ц1уссалакрал.

Конкурс т1ит1лай, ихтилат бувна управлениелул начальник А.Къажлаевлул. Циняр конкурсрацал барчагу бувну, ванал умуд бивхъуна, ва конкурс Гъумук гъарца шинал дуллантайшиврий.

Гуртту хъанахъиминан кымат бишлай бия хъину за к1улсса инсантал: дагъусттан Республикалул искусствордал лайкъ хъусса ишккаку, Композитортурал Председатель жюрилул председатель Рамазан Фаталиев, Аьрасатнал Федерациялул искусствордал лайкъ хъусса ишккаку, Дагъуст-

тан Республикалул халкъуннал артист, профессор, Дагъусттаннал музыкантътурал Союзрал председателъ Хан Баширов, Дагъусттан Республикалул искусствордал лайкъ хъусса ишккаку, композитор Аскерхан Аскерханов.

Гуртту хъанахъисса циняннан жюрилул кыматру бишлай бия 10 балл бусса школалий, укунсса гъанурдай: щаллу баврил (балай0 магьиршиву, артистшиврул магьиршиву, макъан дуцаву, сценалий ларххусса костюм. Бигъасса иш бакъая жюрилул кымат бишдан, цанцирча, циняр гуртту хъанахъими бия исвагъисса миллатрал костюму ларххун, макъанну дуцлайгу

(Ахир 4 лаж.)





**Учредитель:**

Администрация  
МР «Лакский район».  
Учредитель:  
«Лакрал район»  
МР-далул  
администрация

**Главный редактор**

М. М. Мусалаев  
**Ответственный секретарь**  
К. М. Курбанов  
**Корреспондент**  
К. М. Курбанов

**Опер. комп. набора**

Р. И. Джалаева  
**Тех. редактор**  
А. М.-Р. Абакаров

**Адрес редакции, издателя:**

368360, Республика  
Дагестан, Лакский район,  
с. Кумух, ул.  
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»  
Адрес:  
г. Махачкала,  
пр. Насрутдинова, 61.

Срок подписания в печать 17.00  
Подписано в 16.00

Газета выходит в неделю 1 раз.  
Тираж 742 экз.  
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность о объективность представленных для публикации материалов.

## 2020 шинал дурсса даврил отчёт

“Лакрал район” МР-данул депутатътурал собраниелу-вун бухлай бур 39 депутат 19 шярватусса. Миннаяту 3 депутат - хъамитайпа.

Отчёт дуллалисса шпурттуву дурссар депутатътурал собраниелул 14 заседание. Минный ххалбивгъуссар райондалий яхъанахъиминан хъинбалдарансса мастьаларду. Ми заседаниерттал хласиллайн бувну къамул бувссар депутатътурал собраниелул 37 хлукму. Минуву бур укунсса:

- 1.Цакъ бувссар хлукмурду (33):**
  - 1) “Лакрал район” муниципал райондалул Уставраву дахханашивуртту ва ялун ххибавуртту даврия” тлссса проект къамул даврия(5).
  - 2) “Лакрал район” МР-данул 2020 шинал бюджетраву дахханашивуртту ва ялун ххибавуртту даврия (12).
  - 3.Пенсиялийн гъарца зуруй ялун ххиданмур ххалдигъаврия (3).
  - 4)Пенсиялийн гъарца зуруй ялун ххиданмур ккаккан даврия (3).
  - 5) “Лакрал район” муниципал райондалий балугъравун къабивминал иширтталсса байсса комиссиялу дахханашивуртту даврия ва миннал ихтиярду дуручъаврия.
  - 6) “Лакрал район” МР-данул контрольно-счётный палаталул председатель Куччаев Х1.К. цанма ччай къуллугърая гъаву къамул даврия.
  - 7) “Лакрал район” МР-данул депутатътурал собраниелул 2014 шинал майрал 21-ний бувну бивклсса “Об утверждении с 1 июля 2014 года корректирующего коэффициента базовой доходности К2 по единому налогу на вменённый доход при осуществлении деятельности на территории “Лакского района” тлссса хлукмулу дахханашивуртту даврия.
  - 8) “Лакрал район” МР-данул депутатътурал собраниелул 2020 шинал февральдаул 20-ний бувну бивклсса №174 хлукму “О принятии проекта “О внесении изменений и дополнений в Устав муниципального района “Лакский район” ва 2020 шинал мартрал 20-ний бувну бивклсса №182 хлукму “О внесении изменений и дополнений в Устав муниципального района “Лакский район” букъан даврия.
  - 9) “Лакрал район” МР-данул 2020 шинал “единый налог на вменённый доходрал” налограл ставка 15 процетрая 7,5 процетрайн бианнин чан даврия.
  - 10) “Лакрал район” МР-данул депутатътурал арулчин дартлсса Собраниелул Председатель увчлаву.
  11. “Лакрал район” МР-данул баклчинал къуллугърайнсса кандидатътал личли бансса конкурс баян даврия ва бувчлавурутту даврия.
  12. “Лакрал район” МР-данул депутатътурал арулчин дартлсса собраниелул даврил низам (регламент) цаъкъ даврия.
  - 13) “Лакрал район” МР-данул депутатътурал собраниелул Мудан зузисса комиссиярттаву биклантими бувчлаву.
  - 14) “Лакрал район” МР-данул Баклчи увчлаву.

**2.Планну, низамру ва Къяйдарду (2):**  
1.Дагъусттан Республикалул “Лакрал район” муниципал райондалул “Гъумучиял сельсовет” муниципал сакиншиндарал Генеральный план цаъкъ даврия.  
2. “О постоянных комиссиях собрания депутатов МР “Лакский район” тлссса Положение цаъкъ даврия.

**3.Къамул дурссар отчётру ва докладру (2):**  
1. “Лакрал район” МР-данул баклчи Махлammaдoв Юсуп Хlамиддул арнал отчёт “Об итогах социального и экономического развития района за 2019 год и о прогнозе социально -экономического развития района на 2020 и на период 2021-2022 годы”.  
2.2019 шинал дурсса давриясса “Лакрал район” МР-данул депутатътурал собраниелул председательнал отчёт.

**4.Гъан дурссар 2 депутатнал тlалавшин.**

**III.XI-A.Щурнаев,**  
“Лакрал район” МР-данул депутатътурал Собраниелул Председатель.

са конкурсраву гуртту хъанай бия цалчин. Мунил щаллу бувни “Вих луглай бура” тлссса балай.  
-Тгун ххув хъун ччай бур. Амма, ттул пикрилий, конкурсраву гуртту шавугу, ххув шаву кунма, агъамсса иш бур. Укунсса конкурсраву гуртту хъанахъиминнал дусшиву цаъкъ хъанай дур. Цанчирча, ва жула цlадурксса Мариян жунма даклний

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

бушиврул лишанни, - укунни Роднал.  
Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

## Мусаев Сулайман Ахlмадлул арс

Ххишала бакъа къурчlисса хавар ялун бивунни Къукуннал жяматрал, уссурссуннал, лакрал миллатрал - жуятува лавгунни гъарца чулуха гъунар бусса инсан, цlанихсса чичу, шяр, таржумачи, тарихчи Мусаев Сулайман.



Ва ия инсантуращал хlал бавкъусса, цанма клулмур цаманакъ бусан махъунай къашайсса, чlывучил эбрат ласунну зана-къулу хъанахъисса, ххаллилсса лаккучу.

Ванал итабавкъусса “Лакцы авиаторы в ВОВ”, “Щайх - Жамалуттин Кази-Кумухский”, “Новолак 99”, “Сяид Хlабиев”, “Замир Аьли” тlисса ва цайми луттирду, лавайсса къиматрай къамул бунни буккултрал.

Ванаца бювхъунни Мубараксса Къуран таржума бан бакlрайн ласун. Хъину хъунмасса хlарачат буллау ия лакку маз ябан, машгъур бан.

Кlицl лаган бювхъанссар чlывусса цаймигу ванал лакрал тарихраву къабивтсса, бусравсса ххуттал мисаллу.

Жуна ххирасса, хlурмат бусса дувс Сулайман личли шаврил жижара буллау буру мунал кулпатрахъ, оьрчlахъ, мачча-ляхъиндарахъ, Къукуннал жяматрахъ.

Цан Алжан булуннав, гъав нурданул дуцlиннав, махъминнал оьрмуду лахъи баннав!

**Xlайдаев Аьбиди, Къурбанов Константин, Мусалаев Мусалав, Аьлишаев Аь-Xlамид..**

“Лакрал район” МР-данул депутатътурал Собраниелул хlукму

16 июнь 2021ш. №12.6

### 2021 шинаву муниципал хъус даххаврил хlакъиравусса пландалия

“Лакрал район” МР-данул Собраниелул хlукму булалиссар:

1Муниципал хъус даххаврил хlакъиравусса, 2021 шинал план цlакъ дан (Уту приложение №1).

**III.XI-A.Щурнаев, Собраниелул председатель.**  
**Ю.XI.Махlаммадов, райондалул бакlчи.**

№	Наименование объекта, его адрес	адрес	кадастровый номер	Общая площадь (кв.м.)	форма приватизации	Предполагаемый срок приватизации
1.	здание ТВ С «Лакция»	Лакский район, с. Кумух, ул. Сурхайхана-1, 68	05:30:000001:1792	42,75	продажа	2021г.
2.	Автомобиль TOYOTA LAND CRUISER 200	Лакский район, с. Кумух		2008 г. выпуска	продажа	2021г.
3.	Корпус Кумухской СОШ	Лакский район, с. Кумух, ул. Сурхайхана-1, 51	05:30:00001:1443	395,6	аренда для использования в качестве гостиницы или размещения объектов туристического бизнеса	2021

## Цlадурксса балайчинал хlурматран

(Дайдихъу 3 лаж.)  
бия гармоньдалий, дачlугу, ччергъилугу рищлай.

Сценалий щаллу буллау бия Ватандалухасса, буттахъбал балайрду. Тlааьнсса, марцlсса чlурдай балайрдаву буслай бия оьрмулия. Гъарца балайгу бюхлай бия вичlидирхъуминнал даклурдивун.

Цlуссалакрал райондали-ясса Родна Хlасанова укун-

са конкурсраву гуртту хъанай бия цалчин. Мунил щаллу бувни “Вих луглай бура” тлссса балай.

-Тгун ххув хъун ччай бур. Амма, ттул пикрилий, конкурсраву гуртту шавугу, ххув шаву кунма, агъамсса иш бур. Укунсса конкурсраву гуртту хъанахъиминнал дусшиву цаъкъ хъанай дур. Цанчирча, ва жула цlадурксса Мариян жунма даклний

бушиврул лишанни, - укунни Роднал.

Хlасиллу дуллау, журилул члентурал даклнийн бувтунни Мариян Дандамаева, ганил творчестволул ххулу, га студенткану бивклсса чlун. Журилулу бивклсса гъарданнан га клулу бивклун бур. Ми циняннан тапшур бувна РД-лул культуралул Министерстволул дипломру.

1-мур даражалул дипломрал лайкъ хъунни Шамсият Какваева (Лакрал район), Махlад Гудов (Ккуллал район).

2-мур даражалул дипломран - Мариян Махlаммадова (Ккуллал район), Родна Хlасанова (Цlуссалакрал район).

3-мур даражалул дипломран лайкъ хъунни Мариян Жамалуттинова ва Патlимат Юсупова (Лакрал район).

Балайлул конкурс даклний личлан, циняв цацлу бавтlсса суратту рирцунни